

Alkitab bakal Bocah
mempersembahkan

Paskah
Pertamé



Ditulis amé: Edward Hughes
Diilustrasiin amé: Janie Forest
Alastair Paterson

Diadaptasi amé: Lyn Doerksen

Diterjamih amé: www.christian-translation.com

Dibikin amé: Bible for Children
www.M1914.org

BFC

PO Box 3

Winnipeg, MB R3C 2G1

Canada

©2021 Bible for Children, Inc.


Perijinan: Enté berhak ngegandain atau nyetak cerité ni,
selamé enté kagak ngejualnyé.



Seorang wanita berdiri di sisi bukit nyang brisik, matanyé nyang sedih ngeliat adegan brutal. Anaknyé sekarat. Ntu adalah Emaknyé Maria, dan dié berdiri dekét tempat dimané Yesus dipaku disebuah salib.



Begimané semua ni
bisé kejadian? Gimana
bisa Yesus mengakhiri
hidupnyé nyang indah
dengan cara
nyang keji?
Gimana
mungkin
Tuhan ngizinin
AnakNyé dipaku disebuah
salib biar mati disono?
Apé Yesus udeh ngebuat
kesalahan tentang Siapé
Dié sebenarnya? Apé
Tuhan udeh gagal?



Kaga! Tuhan kaga gagal.
Yesus kaga bikin kesalahan
apapun. Yesus selalu tau
Dié bakal datang ke
kematian oleh orang nyang
jahat. Bahkan pas Yesus
masih bocah, seorang pak
tua nyang namanyé Simon
udeh bilang ke Maria
bahwa kesedihan menanti
didepan"



Beberapa hari sebelum Yesus di habisin, seorang wanita datang trus nuangin minyak wewangian ke kakiNyé. "Dié ngehamburin uang ajé," seorang murid berkelakar. "Dia ngelakuin hal nyang bener" Yesus ngomong. "Dia ngelakuin ntu buat penguburan ayé" Kata-kata nyang aneh!



Abis ni, Yudas, atu dari
dua belas muridnyé Yesus,
berpendapat buat
ngehianatin Yesus ke
kepala pendeta cuma
buat 30 keping
perak.



Pas pesta Paskah Yahudi, Yesus ngadain makan terakhir amé murid-muridnyé. Dié ngomongin hal-hal nyang indah tentang Tuhan amé janjiNyé ke orang nyang cinté amé dié. Terus Yesus ngasih roti amé sebuah gelas nyang dibagiin ke mereka. Ini buat ngingetin mereka bahwasannya tubuh amé darahnyé Yesus udeh diberikan buat ngebawa pengampunan bagi semué dosa.




Trus Yesus ngomong ke temen-temenNyé bahwa Dié bakalan dihianatin, trus mereka bakal kabur. "Ayé kaga bakalan kabur," Peter nyanggah. "Sebelum ayam jago berkokok, enté bakal nolak Ayé tiga kali," Yesus bicara.



Terus pada malamnyé,
Yesus pegi buat berdoa
di Taman Getsemani.
Murid-murid nyang
tadinyé amé Dié udeh
pada molor. "Oh Bapak
ku," Yesus berdoa,
"... Biarlah gelas ini
barlalu dari Ayé.
Namun, bukan atas
kehendak Ayé, tapi
sesuai kehendak Enté."



Tetiba, segerombolan orang berbaris masuk kedalem taman, dipimpin amé Yudas. Yesus kagak ngelawan, tapi Peter berhasil motong salah satu telinga orang. Diem-diem, Yesus nyentuh telinga orang tersebut trus nyembuhin dié. Yesus tau penangkapanNyé kaga laen bagian dari kehendak Tuhan.



Gerombolan ntu ngebawa Yesus ke rumé seorang pendeta tinggi. Disono, pemimpin Yahudi ngomong kalo Yesus kudu mati.


Dideket situ, Peter berdiri disebelah obor pelayan dan nyaksiin.



Tiga kali orang melototin Peter trus bilang, "Enté bersama Yesus!" Tiga kali Peter menyangkalnyé, persis seperti nyang Yesus udeh bilang. Bahkan Peter mencaci dan bersumpah.




KUKU-RU-
YUUUUUKKKKKK




Terus, seekor ayam jago berkokok. Itu kayak suara Tuhan buat Peter. Peningat perkataannyé Yesus, Peter nagis sesegukan.





Yudas ngerasa bersalah,
juga. Dia tau kalo Yesus
kaga bersalah atas dosa
atau tindakan kriminal
apepun. Yudas ngebalikin
30 keping perak, tapi
pendeta kaga mau
nerimanyé.







Yudas ngebuang
uangnyé, kabur
keluar - dan
ngegantung
dirinyé.




Pendeta ngebawa Yesus ke Pilatus, Gubernur Romawi. Pilatus ngomong, "Ané kaga nemuin kesalahan di Orang ini." Tapi segerombol orang terus menangis berseru, "Salibkan Dia! Salibkan Dia!"



Akhirnyé Pilatus ngalah, terus ngehukum mati Yesus diatas sebuah salib. Para prajurit mukulin Yesus, ngeludahin mukaNyé amé nyambukin Dié. Mereka ngebuat mahkota nyang kejem dari duri-duri nyang panjang nyang diteken diatas kepalaNyé. Trus mereka makuin Dié ke kayu salib biar mati.



Yesus selalu tau Dié bakal mati kayak gitu. Dié juga tau bahwa kematiannyé bakal bawa pengampunan buat orang-orang nyang bedosa nyang udeh percayé amé Dié. Dua orang kriminal disalib sebelah kanan amé Yesus. Atu percaya amé yesus - terus pegi ke sorga. Yang atunyé kaga.



Setelah berjem-jem penderitaan, Yesus ngomong, "Ini udeh berakhir," lalu mati. Tugasnyé udeh beres. Temen-temennyé nguburin Dié di sebuah makam pribadi.



Lalu tentara Romawi menyegel
amé ngejagain tu makam.
Sekarang kaga adé
satupun orang bisé
masuk ato keluar.



Kalo ini adalah ujung dari kisahnyé, betapa sedihnyé ini terjadi. Tapi Tuhan ngelakuin sesuatu nyang indah. Yesus kaga mati gitu ajé!



Pagi-pagi banget di hari pertamé
dalem seminggu, beberapa
muridnyé Yesus nemuin
batu penutup makam
udeh beguling dari
kuburannyé. Pas
mereka ngeliat
kedalem,




Yesus udeh kagak
adé disono.



Seorang wanita adé disitu, nangis
dideket makam. Yesus nampakin
dirinya ke dié! Dié ngacir balik
dengan riang terus ngomong
ke murid-murid nyang laen.
"YESUS IDUP! YESUS
UDEH BALIK DARI

KEMATIAN!"





Segera Yesus datengin murid-muridnyé,
terus nunjukin ke mereka tanganNyé
nyang adé bekas luka paku. Ini beneran.
YESUS IDUP LAGI! Dié maapin Peter
nyang nyangkal Die, terus ngomong
ke murid-muridNyé buat ngasitau ke
orang-orang berita tentang Dié. Terus dié
pegi kembali ke sorga dimané Dié berasal.



Paskah Pertamé


Sebuah cerité dari perkataannyé Tuhan, Alkitab

Ditemuin di

Matius 26-28, Lukas 22-24,
Yohanes 13-21

"Palang pintu Firman Enté memberi terang."
Mazmur 119:130





| 54

||||| 60



Ni cerité Alkitab nyeritain kité tentang Tuhan kité nyang indah, nyang nyiptain kité amé pengen enté ngenal Dié.

Tuhan tau kité udéh bikin hal-hal nyang kaga bae, nyang Dié sebut dosa. Hukumannyé dosa ya mati, tapi Tuhan cinté banget ama enté, Dié ngirim anak atu-atunyé, Yesus, biar mati disalib dan dihukum karna dosa enté pada. Terus Yesus idup dan balik kerumé ke Sorga! Kalo enté yakin ama Yesus dan minta biar Dié maapin dosa-dosa enté, Dié bakal ngelakuinnyé! Dié bakalan dateng dan idup didalemnyé enté ni hari, dan enté bakal idup ama Dié selamanyé.

Kalo enté yakin ni kebenaranyé, sautin ini ke Tuhan:
Ya Yesus, Ayé percayé kalo Enté ntu Tuhan, dan berobah jadi manusia buat mati karna dosa Ayé, dan sekarang Enté idup lagi. Tolong dateng kedalem idup ayé samé maapin dosa-dosa ayé, biar Ayé punya hidup nyang baru ni hari, dan entar bakalan pergi sama Enté selamanyé. Tolongin ayé biar bias nurutin Enté dan idup buat Enté amé anak Enté. Amin.

Bacain Alkitab dan ngomong ke Tuhan tiap hari! Yohanes 3:16

